



阿彌陀佛接引圖 · 西夏 · 佚名



南無本師釋迦牟尼佛
南無本尊阿彌陀佛
南無本尊阿彌陀佛
南無本尊阿彌陀佛
南無本尊阿彌陀佛



贊取經偈

晉宋齊梁唐代間，高僧求法離長安。
去者成百歸無十，後者安知前者難。
路遙碧天惟冷結，砂河遮日力疲殫。
後賢若未諳斯旨，常把經書容易看。



普賢菩薩立像・唐・佚名

開經偈

無上甚深微妙法，
百千萬劫難遭遇。
我今見聞得受持，願解如來真實義。



佛說十善業道經

唐 · 于闐三藏實叉難陀奉制譯

如是我聞：一時，佛在娑竭羅龍宮，與八大比丘眾、三

萬二千菩薩摩訶薩俱。

爾時，世尊告龍王言：一切眾生心想異故，造業亦異，由

是故有諸趣輪轉。

龍王！汝見此會及大海中，形色種類各別不耶？如是一切，



者無厭。

靡不由心造善不善，身業、語業、意業所致。而心無色，不可見取。但是虛妄諸法集起，畢竟無主、無我我所。雖各隨業，所現不同，而實於中無有作者。故一切法皆不思議，自性如幻。智者知已，應修善業，以是所生蘊、處、界等，皆悉端正，見

龍王！汝觀佛身，從百千億福德所生，諸相莊嚴，光明顯曜，蔽諸大眾。設無量億自在梵王，悉不復現；其有瞻仰如來



身者，莫不目眩！汝又觀此諸大菩薩，妙色嚴淨，一切皆由修

集善業福德而生。又諸天龍八部眾等，大威勢者，亦因善業福

德所生。今大海中所有眾生，形色粗鄙，或大或小，皆由自心

種種想念，作身、語、意諸不善業，是故隨業各自受報。汝今

當應如是修學，亦令眾生了達因果，修習善業。汝當於此正見

不動，勿復墮在斷、常見中！於諸福田歡喜、敬養，是故汝等

亦得人天尊敬、供養。



龍王！當知菩薩有一法，能斷一切諸惡道苦。何等為一？

謂於晝夜常念、思惟、觀察善法，令諸善法念念增長，不容毫

分不善間雜。是即能令諸惡永斷，善法圓滿，常得親近諸佛菩

薩及餘聖眾。言善法者：謂人天身、聲聞菩提、獨覺菩提、無

上菩提，皆依此法以為根本而得成就，故名善法。此法即是十

善業道。何等為十？謂能永離殺生、偷盜、邪行、妄語、兩舌、

惡口、綺語、貪欲、瞋恚、邪見。



龍王！若離殺生，即得成就十離惱法。何等為十？一、於

諸眾生普施無畏；二、常於眾生起大慈心；三、永斷一切瞋恚

習氣；四、身常無病；五、壽命長遠；六、恆為非人之所守護；

七、常無惡夢，寢覺快樂；八、滅除怨結，眾怨自解；九、無

惡道怖；十、命終生天。是為十。若能迴向阿耨多羅三藐三菩

提者，後成佛時，得佛隨心自在壽命。

復次，龍王！若離偷盜，即得十種可保信法。何等為十？



一者、資財盈積，王、賊、水、火及非愛子，不能散滅；二、
多人愛念；三、人不欺負；四、十方贊美；五、不憂損害；六、
善名流布；七、處眾無畏；八、財、命、色、力安樂，辯才具
足無缺；九、常懷施意；十、命終生天。是為十。若能迴向阿
耨多羅三藐三菩提者，後成佛時，得證清淨大菩提智。

復次，龍王！若離邪行，即得四種智所贊法。何等為四？

一、諸根調順；二、永離喧掉；三、世所稱嘆；四、妻莫能侵。



是為四。若能迴向阿耨多羅三藐三菩提者，後成佛時，得佛丈

夫隱密藏相。

復次，龍王！若離妄語，即得八種天所贊法。何等為八？

一、口常清淨、優鉢華香；二、為諸世間之所信伏；三、發言

業清淨，人天敬愛；四、常以愛語安慰眾生；五、得勝意樂，三

成證，人天歡喜；六、言無誤失，心常歡喜；七、發言尊重，人天奉行；

八、智慧殊勝，無能制伏。是為八。若能迴向阿耨多羅三藐三



菩提者，後成佛時，即得如來真實語。

復次，龍王！若離兩舌，即得五種不可壞法。何等為五？

一、得不壞身，無能害故；二、得不壞眷屬，無能破故；三、

得不壞信，順本業故；四、得不壞法行，所修堅固故；五、得

不壞善知識，不誑惑故。是為五。若能迴向阿耨多羅三藐三菩

提者，後成佛時，得正眷屬，諸魔外道不能沮壞。

復次，龍王！若離惡口，即得成就八種淨業。何等為八？



一、言不乖度；二、言皆利益；三、言必契理；四、言詞美妙；
五、言可承領；六、言則信用；七、言無可譏；八、言盡愛樂。
是為八。若能迴向阿耨多羅三藐三菩提者，後成佛時，具足如
來梵音聲相。

復次，龍王！若離綺語，即得成就三種決定。何等為三？

一、定為智人所愛；二、定能以智如實答問；三、定於人天威
德最勝，無有虛妄。是為三。若能迴向阿耨多羅三藐三菩提者，

後成佛時，即得如來諸所授記，皆不唐捐。

復次，龍王！若離貪欲，即得成就五種自在。何等為五？

一、三業自在，諸根具足故；二、財物自在，一切怨賊不能奪。故；三、福德自在，隨心所欲，物皆備故；四、王位自在，珍奇妙物皆奉獻故；五、所獲之物，過本所求百倍殊勝，由於昔時不慳嫉故。是為五。若能迴向阿耨多羅三藐三菩提者，後成佛時，三界特尊，皆共敬養。



復次，龍王！若離瞋恚，即得八種喜悅心法。何等為八？

一、無損惱心；二、無瞋恚心；三、無諍訟心；四、柔和質直

心；五、得聖者慈心；六、常作利益安眾生心；七、身相端嚴，

眾共尊敬；八、以和忍故，速生梵世。是為八。若能迴向阿耨

多羅三藐三菩提者，後成佛時，得無礙心，觀者無厭。

復次，龍王！若離邪見，即得成就十功德法。何等為十？

一、得真善意樂、真善等侶；二、深信因果，寧殞身命，終不



作惡；三、唯歸依佛，非餘天等；四、直心正見，永離一切吉凶疑網；五、常生人天，不更惡道；六、無量福慧，轉轉增勝；七、永離邪道，行於聖道；八、不起身見，捨諸惡業；九、住無礙見；十、不墮諸難。是為十。若能迴向阿耨多羅三藐三菩提者，後成佛時，速證一切佛法，成就自在神通。

爾時，世尊復告龍王言：若有菩薩依此善業，於修道時，能離殺害而行施故，常富財寶，無能侵奪；長壽無夭，不為一



切怨賊損害。

能備集諸佛法藏。離不與取而行施故，常富財寶，無能侵奪；最勝無比，悉

離非梵行而行施故，常富財寶，無能侵奪；其家直順；母及妻子，無有能以欲心視者。

離虛誑語而行施故，常富財寶，無能侵奪；離眾毀謗，攝持正法；如其誓願，所作必果。



一志樂，恆無乖諍。

離離間語而行施故，常富財寶，無能侵奪；眷屬和睦，同喜歸依；言皆信受，無違拒者。

離粗惡語而行施故，常富財寶，無能侵奪；一切眾會，歡喜歸受；能善方便，斷諸疑惑。

離無義語而行施故，常富財寶，無能侵奪；言不虛設，人皆敬受；能善方便，斷諸疑惑。

離貪求心而行施故，常富財寶，無能侵奪；一切所有，悉



以慧捨；信解堅固，具大威力。

離忿怒心而行施故，常富財寶，無能侵奪；速自成就無礙。
心智；諸根嚴好，見皆敬愛。

離邪倒心而行施故，常富財寶，無能侵奪；恆生正見敬信。
之家；見佛、聞法、供養眾僧；常不忘失大菩提心。

是為大士修菩薩道時，行十善業，以施莊嚴，所獲大利如是。



義利，滿足大願；龍王！舉要言之：行十善道，以戒莊嚴故，能生一切佛法。

忍辱莊嚴故，得佛圓音，具眾相好；

精進莊嚴故，能破魔怨，入佛法藏；

定莊嚴故，能生念、慧、慚、愧、輕安；

慧莊嚴故，能斷一切分別妄見；

慈莊嚴故，於諸眾生不起惱害；



悲莊嚴故，愍諸眾生，常不厭捨；

喜莊嚴故，見修善者，心無嫌嫉；

捨莊嚴故，於順違境，無愛恚心；

四攝莊嚴故，常勤攝化一切眾生；

念處莊嚴故，善能修習四念處觀；

正勤莊嚴故，悉能斷除一切不善法，成一切善法；

神足莊嚴故，恆令身心輕安、快樂；



斷諸煩惱；

五根莊嚴故，深信堅固，精勤匪懈，常無迷妄，寂然調順，

力莊嚴故，眾怨盡滅，無能壞者；

覺支莊嚴故，常善覺悟，一切諸法；

正道莊嚴故，得正智慧，常現在前；

止莊嚴故，悉能滌除，一切結使；

觀莊嚴故，能如實知，諸法自性；



方便莊嚴故，速得成滿為、無為樂。

龍王！當知此十善業，乃至能令十力、無畏、十八不共、

一切佛法皆得圓滿。是故汝等應勤修學！龍王！譬如一切城邑、

聚落，皆依大地而得安住；一切藥草、卉木、叢林，亦皆依地

而得生長。此十善道亦復如是：一切人、天依之而立；一切聲

聞、獨覺菩提，諸菩薩行，一切佛法，咸共依此十善大地而得

成就。



釋迦如來像・南宋・佚名

佛說十善業道經 終

修羅等，皆大歡喜，信受奉行。

佛說此經已，娑竭羅龍王及諸大眾，一切世間天、人、阿



◎
回
向
偈

願以此功德，莊嚴佛淨土。
上報四重恩，下濟三途苦。
若有見聞者，悉發菩提心。
盡此一報身，同生極樂國。





省庵大師不淨觀頌

(附四念處頌)

清・省庵大師

不淨觀頌並序

佛陀為貪愛情欲的眾生講說不淨觀法。觀之日久，貪欲即斷除，可以越愛河而超苦海。我閑暇時看《大智度論》，取其中大義作成詩頌。用來自警的同時也可用來警世。

死 想 (先作此觀為下面「九想」張本)

有愛皆歸盡，此身寧久長。替他空墮淚，誰解反思量？

脹 想

記得穢花態，俄成膀脹軀。眼前年少者，容貌竟何如？



青癩想

紅白分明相，青黃瘀爛身。
請君開眼看，不是兩般人。

壞想

皮肉既墮落，五臟於中現。憑君澈底看，何處堪留戀？

血塗想

無復朱顏在，空餘殷血塗。
欲尋妍醜相，形質漸模糊。



省庵大師不淨觀頌

膿爛想

腐爛應難睹，腥臊不可聞。豈知膿潰處，蘭麝昔曾薰。

啖想

羊犬食人肉，人曾食犬羊。不知人與畜，誰臭復誰香？

散想

形骸一已散，手足漸移置。諦觀娥眉姿，畢竟歸何處？



骨想

本是骷體骨，曾將誑惑人。昔時看是假，今日睹方真。

燒想

火勢既猛烈，殘骸忽無有。試看煙焰中，著得貪心否？

前面這十首詩，不過粗略地講出一點大概頭緒，還沒有仔細周密地觀察審視。因此又作十首五言律詩，加以擴充。

死 想

所愛竟長別，淒涼不忍看。
識才離故體，屍已下空棺。
夜火虛堂冷，秋風素幔寒。
勸君身在日，先作死時觀。

脹

風大鼓其內，須臾膀脹加。
身如盛水袋，腹似斷藤瓜。
垢膩深塗炭，蠅蛆亂聚沙。
曾因薄皮誑，翻悔昔年差。



青癩想

風日久吹炙，青黃殊可憐。

耳鼻缺還在，筋骸斷復連。

皮乾初爛橘，骨朽半枯椽。
石人雖不語，對此亦潸然。

壞想

肌膚才脫落，形質便遭傷。

瓜裂半開肉，蛇鑽欲出腸。

枯藤纏亂髮，濕蘚爛衣裳。

寄語嬪娟子，休將畫糞囊。

血塗想

トセ
カヌ
トヌ

一片無情血，千秋不起人。

淋漓塗宿草，狼藉汚埃塵。

莫辨妍媸相，安知男女身。哀哉痴肉眼，錯認假為真。

膾爛想

チヌ
カヌ
トヌ

薄皮糊破紙，爛肉棄陳羹。膾血從中潰，蠅蛆自外爭。

食豬腸易嘔，洗狗水難清。不是深憎惡，何由斷妄情？



啖想

屍骸遭啖食，方寸少完全。
當年空自愛，此日有誰憐。
不飽飢鳥腹，難乾饑狗涎。

散想

四體忽分散，一身何所從。
豈唯姿態失，兼亦姓名空。
長短看秋草，穠纖問晚風。
請君高著眼，此事細推窮。



骨 骨
想 想

皮肉已銷鑠，唯餘骨尚存。
牽挽多蟲蟻，收藏少子孫。
雨添苔蘚色，水浸土沙痕。

燒 燒
想 想

烈焰憑枯骨，須臾方熾然。
紅飛天際火，黑透樹頭煙。
妄念同灰盡，真心並日懸。
欲超生死路，此觀要精研。



四念處頌 幷序

清·省庵大師

佛陀將要入涅槃的時候，曾再三囑咐諸比丘：「依四念處住，如佛無異。」如今正遭逢末法時期，很少見到有正念的學佛人。縱然遇到這個法門，又能有幾個肯去修學的呢？不但不去思悟其中的真義，而且連這最根本的名詞術語都搞不明白，實在是太可悲啦！我閑居無事，讀《涅槃經·遺教品》，取其中大義作成詩頌，借助音律，使詠唱者正念增長，妄心息滅。也可抄錄在案頭座邊，每天用來自警的同時，還能夠不忘佛陀的遺誡。



釋迦涅槃圖·明·吳彬

觀身不淨

一興顛倒想，遂有幻緣身。膿血常交湊，腥臊每具陳。

紙黏皮裹肉，藤絆骨纏筋。毛覆叢叢草，蟲居比比鄰。

內藏惟臭穢，外飾但衣巾。四大元無實，諸根豈有真。

語言風自響，動轉氣相循。強號為男女，虛名立主賓。

百年三尺土，萬古一堆塵。貴賤空回首，賢愚共愴神。

徒生復徒死，誰識本來人？



觀受是苦

眾苦從何起，深知受者情。

順違才領納，取捨便縱橫。

有盛衰還至，無榮辱不成。

怨從親裏出，哀是樂中生。

王謝家何在，曹劉國已傾。

悲歡幾場夢，勝敗一棋枰。

事與心違背，貧將病合併。

錢神呼不至，窮鬼送難行。

憾憾終何益，悱悱漫不平。

無求卑亦貴，知足欠還盈。

若悟真空理，憂欣何處萌？

觀心無常

妄心無著處，體相竟如何。

閃閃風中燭，搖搖水上波。

一家門戶別，六個兄弟多。

擾擾各持競，紛紛總不和。

青黃俄改換，動靜屢遷訛。

臭別香隨到，甜來淡又過。

炎涼易翻覆，好惡每偏頗。

境滅心安寄，情妄智亦孤。

掀翻五欲窟，搗盡六根窩。

劫賊歸王化，飛禽出網羅。

何當悟常住，諸妄盡消磨。



- ① 六根。
- ② 六識。
- ③ 比如眼逐色，耳聞聲等。
- ④ 比如眼不與聲和，耳不與色和等。
- ⑤ 眼識無常。
- ⑥ 耳識無常。
- ⑦ 鼻識無常。
- ⑧ 舌識無常。
- ⑨ 身識無常。
- ⑩ 意識無常。

觀法無我

諸法從緣起，初無我主張。

因緣有生滅，念慮遂低昂。

欲得翻成失，求閑反遇忙。

畏寒冬不輟，苦熱夏偏長。

貧憶富時樂，老追年壯強。

有誰憎順適，若個好危亡。^①

自在方為主，遷流豈是常。

離根念何起，無識境還忘。

內外無些子，中間有底藏。

六窗虛寂寂，一室露堂堂。

但得塵勞盡，居然大覺王。



①得失、閑忙、冷熱等，皆是從緣而生，不是我本來有的。



藥師三尊與十二神將・十三世紀

大慈大悲觀世音菩薩

自在觀自在 無我在無人在 問此時自家安在 知所在自然自在

如來佛佛如來有將來有未來究這身如何得來已過來如見如來



南無護法韋馱尊天菩薩

伏魔不黨魔 見面略無愧真武

護法若犯法 回頭何以見觀音



普為助印及讀誦受持
推廣教學者至誠迴向

願以此功德 消除宿現業
所有刀兵劫 及與饑饉等
讀誦受持人 輾轉流通者
風雨常調順 人民悉康寧
法界諸含識 同證無上道
增長諸福慧 圓成勝善根
悉皆盡滅除 人各習禮讓
現眷咸安樂 先亡獲超升

著作權聲明

本著作採用台灣版權「姓名標示—非商業性—禁止改作」條文，免商業創用CC「姓名標示—非商業性—禁止改作」3.0版。內容得有，來源彰顯使用者按本會之方式販售。散佈、傳輸；翻印或修轉變或修改亦不流傳。更何商業行為，但僅為表達目的，不得為其他之商業行為。

普爲出資及讀誦受持
輾轉流通者迴向偈曰
盡此一菩薩三途苦厄
同生極樂報身心者
莊嚴佛淨土功德願以此
濟三途恩上報下若有所
見聞者發菩提心同生極
樂國土生一菩提心者

公元二〇一六年九月 恭印貳仟冊

國語注音版

聖學根之根 第七冊

阿難問事佛吉凶經
雍正皇帝上諭佛說十善業道經
省庵大師不淨觀頌
省庵大師四念處頌

出版者 † 華藏淨宗學會

地址 † 台北市大安區信義路四段三三三之一號二樓

電話 † (02) 2754-7178

傳真 † (02) 2754-7262

劃撥帳號 † 一九三九一〇七六

戶名 † 社團法人中華華藏淨宗學會

E-mail † hwadzan@hwadzan.com (請法寶專用)

www.amtb.tw

www.chinkung.org

淨空法師
影音網址

承印者 † 和裕出版社 (06) 24540237



<http://creativecommons.org/licenses/by-nc-nd/3.0/tw/>

This book is for free distribution. It is not for sale. Printed in Taiwan.

萬法一門 百家一理 九流一源 三教一體



華藏淨宗學會
THE CORPORATION
REPUBLIC OF HWA DZAN SOCIETY

本書一切法寶，免費結緣，禁止販售，請勿擅自內容，歡迎翻印流通。

This book is for free distribution. It is not for sale.

Printed in Taiwan